

18 APR 1997

DR MAHATHIR ADAKAN RUMAH TERBUKA

ALOR SETAR, 18 April (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohd Ali hari ini menyambut kunjungan tetamu di rumah terbuka mereka sempena Aidiladha di Dewan Jitra dekat sini.

Antara yang mengunjungi mereka ialah Menteri Besar Kedah Datuk Seri Sanusi Junid dan isteri Datin Seri Nila Inangda Manyam Keumala, anggota Barisan Exco kerajaan negeri dan orang-orang kenamaan negeri yang lain.

Dr Mahathir dan Dr Siti Hasmah turut bersalaman dengan orang ramai yang memenuhi dewan itu yang mengambil kesempatan menyambut raya dengan Perdana Menteri.

Rumah terbuka Perdana Menteri bermula dari 10 pagi hingga 4 petang kecuali antara 1 petang dan 3 petang untuk membolehkan beliau bersolat Jumaat.

Terdahulu Dr Mahathir menunaikan sembahyang sunat Aidiladha di Masjid Zahir di sini sebelum menghadap Sultan Kedah bersama orang-orang kenamaan negeri yang lain di Istana Anak Bukit. -- BERNAMA

MFJ PR